

BOSNA I HERCEGOVINA
Konkurencijsko vijeće



BOSNA I HERCEGOVINA
Конкуренијски савјет

Rješenje

**po Prijavi koncentracije privrednog subjekta FABRIKA DUHANA SARAJEVO d.d.
Sarajevo**

**Sarajevo
april, 2011. godine**



Broj: 04-26-1-030-13-II/10
Sarajevo, 07. april 2011. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta FABRIKA DUHANA SARAJEVO d.d. Sarajevo, Pofalička 5, 71000 Sarajevo, zaprimljenoj dana 27.12.2010. godine pod brojem: 01-26-030-II/10, Konkurencijsko vijeće, na 12. (dvanaestoj) sjednici održanoj dana 07. aprila 2011. godine, je donijelo

R J E Š E N J E

1. Ocjenjuje se dopuštenom koncentracija na tržištu na malo u specijaliziranim prodavnicama u Federaciji Bosne i Hercegovine koja će nastati sticanjem kontrole privrednog subjekta FABRIKA DUHANA SARAJEVO d.d. Sarajevo, Pofalička 5, 71000 Sarajevo, kupovinom 100,0% vlasničkih udjela u privrednom subjektu TOBACCO PRESS d.o.o. Mostar, Blajburških žrtava 62, 88000 Mostar, od privrednog subjekta INTER-PRESS d.o.o. Široki Brijeg, Fra Dominika Mandića bb, 88220 Široki Brijeg.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 27.12.2010. godine pod brojem: 04-26-1-030-II/10, Prijavu koncentracije (u daljem tekstu: Prijava) privrednog subjekta FABRIKA DUHANA SARAJEVO d.d. Sarajevo, Pofalička 5, 71000 Sarajevo (u daljem tekstu: Podnosilac prijave ili FDS Sarajevo), podnesenu po direktoru Edinu Mulahasanoviću, kojom privredni subjekt FDS Sarajevo namjerava steći kontrolu nad privrednim subjektom TOBACCO PRESS d.o.o. Mostar, Blajburških žrtava 62, 88000 Mostar (u daljem tekstu: TOBACCO PRESS Mostar), kupovinom 100,0% vlasničkih udjela od privrednog subjekta INTER-PRESS d.o.o. Široki Brijeg, Fra Dominika Mandića bb, 88220 Široki Brijeg (u daljem tekstu: INTER-PRESS Široki Brijeg).

Konkurencijsko vijeće uvidom u podnesenu Prijavu je utvrdilo da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekta («Službeni glasnik BiH», broj 34/10), te je zatražilo dopunu iste, aktom broj: 04-26-1-030-1-II/10 od dana 19.01.2011. godine, aktom broj: 04-26-1-030-3-II/10 od dana 03.02.2011. godine, aktom broj: 04-26-1-030-5-II/10 od dana 22.02.2011. godine i aktom broj: 04-26-1-030-7-II/10 od dana 09.03.2011. godine.

Podnosilac prijave je Prijavu dopunio podneskom broj: 04-26-1-030-2-II/10 dana 27.01.2011. godine, podneskom broj: 04-26-1-030-4-II/10 dana 15.02.2011. godine, podneskom broj: 04-26-

1-030-6-II/10 dana 03.03.2011. godine i podneskom broj: 04-26-1-030-8-II/10 dana 14.03.2011. godine.

Konkurencijsko vijeće, nakon kompletiranja Prijave, je izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 22.03.2010. godine pod brojem: 04-26-1-030-11-II/10.

Podnosilac prijave je naveo, u smislu člana 30. stav (2) Zakona, da zahtjev za ocjenu koncentracije neće podnijeti drugom tijelu izvan teritorije Bosne i Hercegovine.

Konkurencijsko vijeće je izdalo, u skladu sa članom 16. stav (4) Zakona, Obavijest o podnesenoj Prijavi, dana 19.03.2011. godine akt broj: 04-26-1-030-9-II/10, u dnevnim novinama putem koje je pozvalo sve zainteresovane strane na dostavljanje pisanih primjedbi u vezi sa provedbom predmetne koncentracije. Na navedenu Obavijest nije bilo zaprimljenih komentara zainteresovanih strana.

Konkurencijsko vijeće nakon analize podataka u postupku ocjene koncentracije je utvrdilo sljedeće činjenice:

Prijava koncentracije je podnesena u propisanom roku, u smislu člana 16. stav (1) Zakona.

1. Učesnici predmetne koncentracije

Učesnici koncentracije su privredni subjekt FABRIKA DUHANA SARAJEVO d.d. Sarajevo, Pofalička 5, 71000 Sarajevo i privredni subjekt INTER-PRESS d.o.o. Široki Brijeg, Fra Dominika Mandića bb, 88220 Široki Brijeg.

1.1. Privredni subjekt FABRIKA DUHANA SARAJEVO d.d. Sarajevo

Privredni subjekt FABRIKA DUHANA SARAJEVO d.d. Sarajevo, Pofalička 5, 71000 Sarajevo, je upisan u sudski registar Osnovnog suda udruženog rada u Sarajevu, kao dioničko društvo u mješovitoj svojini (Rješenjem broj: U/1-61188/91 od dana 23.12.1991. godine), a preregistracijom je upisan u registar Kantonalnog suda u Sarajevu, dana 08.11.2001. godine pod brojem: 1-1366.

Vlasnička struktura privrednog subjekta FDS Sarajevo:

Tabela 1.

R.b.	Naziv dioničara	Udio(%)
1.	Federalno ministarstvo poljoprivrede, vodoprivrede i šumarstva	39,9058
2.	NLB TB d.d. Tuzla	3,6912
3.	HYPO ALPE-ADRIA.BANK d.d. Mostar	1,6227
4.	Raiffeisen BANK d.d. Bosna i Hercegovina	1,5216
5.	ZIF „BONUS“ d.d. Sarajevo	1,4996
6.	ZIF „PROF-PLUS“ d.d. Sarajevo	1,2823
7.	ZIF „MI-GROUP“ d.d. Sarajevo	1,1754
8.	UG UDRUŽENJE DIONIČARA FABRIKE DUHANA SARAJEVO	0,8098
9.	ZIF CROBIH FOND d.d. Mostar	0,7683
10.	ZIF „FORTUNA FOND“ d.d. Bihać	0,7539
11.	Ostali dioničari	46,9694
	Ukupno	100,00

Izvor. Podaci iz Prijave

Pretežne registrovane djelatnosti privrednog subjekta FDS Sarajevo su proizvodnja cigareta i ostalih duhanskih proizvoda.

Privredni subjekt FDS Sarajevo ima poslovne jedinice u Sarajevu, Tuzli, Bihaću, Čitluku i Banja Luci koje se bave plasmanom proizvoda.

Privredni subjekt FDS Sarajevo ima ukupno (..)*¹ maloprodajnih objekta tipa kiosk u Bosni i Hercegovini (u Federaciji Bosne i Hercegovine (..)*, a u Republici Srpskoj (..)* kioska), koje je stekao u 2010. godini.

Privredni subjekt FDS Sarajevo posjeduje preko 10,0% vlasničkih udjela u sljedećim privrednim subjektima:

Tabela 2.

R.b.	Privredni subjekt	Udio vlasništva (%)
1.	FDS d.o.o. Beograd, Srbija	100,00
2.	FDS d.o.o. Skopje, Makedonija	100,00
3.	FDS HOTEL BABANOVAC d.d. Vlašić Babanovac	100,00
4.	UNIVERZALPROMET d.d. Tuzla	90,81
5.	DUHAN – ZENICA d.d. Zenica	56,65
6.	VAKUFСКА BANKA d.d. Sarajevo	19,72
7.	PRIVREDNA BANKA SARAJEVO d.d. Sarajevo	14,75
8.	REMONTAŽA d.d. Tuzla	13,74
9.	ZIF BONUS d.d.Sarajevo	12,05

Izvor. Podaci iz Prijave

1.1.1. Povezana društva privrednog subjekta FDS Sarajevo u Bosni i Hercegovini

1.1.1.1. FDS HOTEL BABANOVAC d.d. Vlašić Babanovac

Privredni subjekt FDS HOTEL BABANOVAC d.d. Travnik - Vlašić Babanovac, Vlašić Babanovac bb, je upisan u sudski registar Općinskog suda u Travniku, pod matičnim brojem: 51-02-0001-08, sa upisanim osnovnim kapitalom od 7.050,000,00 KM.

Pretežna registrovana djelatnost privrednog subjekta FDS HOTEL BABANOVAC d.d. Vlašić Babanovac je pružanje usluga turističkih djelatnosti (hoteli i moteli sa restoranom).

Privredni subjekt FDS HOTEL BABANOVAC u 2009. godini nije obavljao registrovanu djelatnost, a u 2010. godini nadležni sud je donio odluku o likvidaciji istog.

1.1.1.2. UNIVERZALPROMET d.d. Tuzla

Privredni subjekt UNIVERZALPROMET d.d. Tuzla, Mitra Trifunovića Uče 7, 75000 Tuzla, je u sudski registar Općinskog suda u Tuzli upisan pod matičnim brojem: 1-310, sa upisanim osnovnim kapitalom od 13.281.400,00 KM

Pretežna registrovana djelatnost privrednog subjekta UNIVERZALPROMET d.d. Tuzla je ostala trgovina na veliko.

¹ (..)* - Podaci predstavljaju poslovnu tajnu

Privredni subjekt UNIVERZALPROMET d.d. Tuzla na području Bosne i Hercegovine ima 45 maloprodajnih objekta tipa kioska (44 objekta se nalaze u Federaciji Bosne i Hercegovine i 1 u Republici Srpskoj).

1.1.1.3. DUHAN – ZENICA d.d. Zenica

Privredni subjekt DUHAN – ZENICA d.d. Zenica, Fra Grge Martića 11, 72000 Zenica, je u sudski registar Općinskog suda u Zenici upisan pod matičnim brojem: 1-521, sa upisanim osnovnim kapitalom od 910.870,00 KM.

Pretežna registrovana djelatnost privrednog subjekta DUHAN – ZENICA d.d. Zenica je trgovina na malo u nespecijaliziranim prodavnicama.

Privredni subjekt DUHAN – ZENICA d.d. Zenica ima ukupno 17 maloprodajnih objekta tipa kioska na području Zenice, koji su dati u zakup trećim licima.

1.2. Privredni subjekt INTER-PRESS d.o.o. Široki Brijeg

Privredni subjekt INTER-PRESS d.o.o. Široki Brijeg, Fra Dominika Mandića bb, 88220 Široki Brijeg, je osnovan 1999. godine pod nazivom DISTRI-PRESS d.o.o. Široki Brijeg. U registar Županijskog suda Široki Brijeg je upisan pod matičnim brojem: 1-3501 dana 19.05.1999. godine, a 2001. godine naziv privrednog subjekta DISTRI-PRESS d.o.o. Široki Brijeg promijenjen je u privredni subjekt INTER-PRESS d.o.o. Široki Brijeg.

Vlasničku strukturu privrednog subjekta INTER-PRESS Široki Brijeg čine fizička lica Ivan Granić (Zagreb, Republika Hrvatska) i Vinka Knezović (Široki Brijeg, Bosna i Hercegovina), sa po 50,0% vlasničkih udjela.

Pretežna registrovana djelatnost privrednog subjekta INTER-PRESS Široki Brijeg je ostala trgovina na veliko isključivo za vlastiti račun.

1.2.1. Privredni subjekt TOBACCO PRESS d.o.o. Mostar

Privredni subjekt TOBACCO PRESS d.o.o. Mostar, Blajburških žrtava 62, 88000 Mostar, je upisan u sudski registar Općinskog suda u Mostaru, pod matičnim brojem: 58-01-0031-10 dana 25.03.2010. godine. Privredni subjekt INTER-PRESS Široki Brijeg je vlasnik 100,0% udjela u osnovnom kapitalu privrednog subjekta TOBACCO PRESS Mostar, sa upisanim osnovnim kapitalom od 1.410.831,00 KM.

Pretežna registrovana djelatnost privrednog subjekta TOBACCO PRESS d.o.o. Mostar je ostala trgovina na malo u specijaliziranim prodavnicama tipa kioska.

Privredni subjekt TOBACCO PRESS Mostar na području Federacije Bosne i Hercegovine ima 102 maloprodajna objekta tipa kioska.

1.2.1.1. Privredni subjekt REVIJA PLASMAN d.o.o. Tuzla

Privredni subjekt REVIJA PLASMAN d.o.o. Tuzla, Rudarska B-7, 75000 Tuzla je upisan u registar Općinskog suda u Tuzli pod matičnim brojem: 1-6462, dana 16.08.1995. godine.

Privredni subjekt TOBACCO PRESS Mostar (Rješenje broj: 032-0-Reg-10-001145 od 13.09.2010. godine) je vlasnik 100,0% udjela u osnovnom kapitalu privrednog subjekta REVIJA PLASMAN d.o.o. Tuzla, sa upisanim osnovnim kapitalom od 2.000,00 KM.

Pretežne registrovane djelatnosti privrednog subjekta REVIJA PLASMAN d.o.o. Tuzla su trgovina na malo knjigama, novinama, časopisima, papirnatom robom i pišaćim priborom.

Privredni subjekt REVIJA PLASMAN d.o.o. Tuzla posjeduje šest maloprodajnih objekta tipa kioska, na području Tuzle.

2. Pravni okvir ocjene koncentracije

Konkurencijsko vijeće je u provođenju postupka ocjene predmetne koncentracije primijenilo odredbe Zakona, Odluke o načinu podnošenja prijave i kriterijima za ocjenu koncentracije privrednih subjekta («Službeni glasnik BiH», broj 34/10) i Odluke o utvrđivanju relevantnog tržišta («Službeni glasnik BiH», br. 18/06 i 34/10).

3. Pravni osnov i oblik predmetne koncentracije

Prema Prijavi pravni osnov koncentracije predstavlja Ugovor o preuzimanju članskog udjela (u daljem tekstu: Ugovor), zaključen dana 17.12.2010. godine u Mostaru, između privrednog subjekta INTER-PRESS Široki Brijeg i privrednog subjekta FDS Sarajevo.

Prema predmetnom Ugovoru privredni subjekt FDS Sarajevo preuzima 100,0% vlasničkih udjela u privrednom subjektu TOBACCO PRESS Mostar (uključujući i povezani privredni subjekt REVIJA PLASMAN d.o.o. Tuzla) od privrednog subjekta INTER-PRESS Široki Brijeg.

Konkurencijsko vijeće je prihvatilo Ugovor kao pravni osnov predmetne koncentracije, u smislu člana 16. stav (1) Zakona, a u vezi sa članom 30. stav (1) tačka a) Zakona i članom 9. tačka f) alineja 6. Odluke o načinu podnošenja prijave i kriterija za ocjenu koncentracija privrednih subjekta.

Pravni oblik koncentracije je sticanje kontrole ili preovladavajućeg uticaja jednog privrednog subjekta (FDS Sarajevo) nad drugim privrednim subjektom (TOBACCO PRESS Mostar) kupovinom većine udjela osnovnog kapitala, u smislu člana 12. stav (1) tačka b) pod 1. Zakona.

4. Obaveza prijave koncentracije

Obaveza prijave koncentracije privrednih subjekta, u smislu odredbe člana 14. stav (1) Zakona, postoji ako ukupni godišnji prihodi svih učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila koncentraciji i da ukupan godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji ili je njihov zajednički udio na relevantnom tržištu veći od 40%.

Ukupni godišnji prihodi privrednih subjekta učesnika koncentracije (i njihovih povezanih privrednih subjekta), na dan 31. decembar 2009. godine:

Tabela 3.

Privredni subjekt	KM	Bosna i Hercegovina	Svijet	Ukupni prihodi
FDS Sarajevo		(..)*	(..)*	(..)*
INTER PRESS Široki Brijeg		(..)*	-	(..)*

Izvor: podaci iz Prijave

Godišnji prihodi učesnika koncentracije (Tabela 3.) predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekta.

Konkurencijsko vijeće je utvrdilo da su privredni subjekti učesnici koncentracije u 2009. godini ostvarili ukupne prihode, u skladu sa članom 14. stav (1) tačka b) Zakona, te su obavezni prijaviti koncentraciju.

5. Relevantno tržište

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Analizom relevantnog tržišta učesnika predmetne koncentracije i predmeta koncentracije, Konkurencijsko vijeće je utvrdilo da je relevantno tržište proizvoda u predmetnoj koncentraciji ostala trgovina na malo u specijaliziranim prodavnicama (tipa kioska).

Relevantnim tržištem u geografskom smislu smatra se tržište Federacije Bosne i Hercegovine, budući da na tom tržištu isključivo djeluje privredni subjekt TOBACCO PRESS Mostar (predmet koncentracije) sa 108 maloprodajnih objekta (tipa kiosk) (sa povezanim privrednim subjektom).

Slijedom navedenog, relevantno tržište predmetne koncentracije je tržište trgovine na malo u specijaliziranim prodavnicama (tipa kiosk) u Federaciji Bosne i Hercegovine.

6. Analiza relevantnog tržišta

Analiza učesnika koncentracije i konkurenata na relevantnom tržištu maloprodajnih objekta tipa kioska u Federaciji Bosne i Hercegovine, na dan 31.12.2009. godine:

Tabela 4.

R.b.	Naziv privrednog subjekta	Broj objekta	Udjel (%)
1.	Opresa - Sarajevo	222	23,30
2.	INTER-PRESS Široki Brijeg	108	11,33
3.	Duhanpromet - Sarajevo	72	7,56
4.	Riva - Tuzla	48	5,03
5.	UNIVERZALPROMET-Tuzla	44	4,62
6.	Ostali	459	48,16
	Ukupno učesnici koncentracije (2+5)	152	15,95
	Ukupno	953	100,00

Izvor: Podaci iz Prijave

Ukupan broj maloprodajnih objekta tipa kioska u Federaciji Bosne i Hercegovine je 953, od toga privredni subjekt INTER-PRESS Široki Brijeg ima 108 objekta (uključujući i 6 kioska povezanog privrednog subjekta REVIJA PLASMAN d.o.o. Tuzla) dok privredni subjekt FDS Sarajevo ima 44 kioska (uključujući kioske povezanog subjekta UNIVERZALPROMET d.d. Tuzla), te učesnici koncentracije u Federaciji Bosne i Hercegovine imaju ukupno 152 maloprodajna objekta tipa kioska i tržišni udjel od 15,95%.

Ukupan broj maloprodajnih objekta tipa kiosk koji će biti u vlasništvu privrednog subjekta FDS Sarajevo (uzimajući u obzir i objekte date u zakup trećim licima) nakon provedene predmetne koncentracije:

Tabela 5.

R.b.	Privredni subjekt	Bosna i Hercegovina	Federacija BiH	Republika Srpska
1.	FDS Sarajevo	(..)*	(..)*	(..)*
2.	TOBACCO PRESS Mostar	102	102	0
3.	REVIJA PLASMAN Tuzla	6	6	0
4.	DUHAN - ZENICA Zenica	17	17	0
5.	UNIVERZALPROMET- Tuzla	45	44	1
	Ukupno	(..)*	(..)*	(..)*

Izvor: Podaci iz prijave

Analizom podataka (Tabela 5.) privredni subjekt FDS Sarajevo nakon provedene koncentracije će imati ukupno u vlasništvu (..)* maloprodajnih objekta tipa kiosk u Federaciji Bosne i Hercegovine i imati tržišni udjel od (..)*%.

7. Ocjena predmetne koncentracije

Konkurencijsko vijeće analizom relevantnih podataka, u smislu člana 17. Zakona, ocijenilo je da provođenjem namjeravane koncentracije neće doći do značajnijeg povećanja tržišnog udjela (Tabela 4.) učesnika koncentracije na relevantnom tržištu, odnosno neće doći do stvaranja ili jačanja dominantne pozicije privrednog subjekta FDS Sarajevo.

Konkurencijsko vijeće je prilikom donošenja konačne odluke uzelo u obzir da će provođenjem predmetne koncentracije doći do određenih pogodnosti za potrošače na relevantnom tržištu u smislu povećanja kvalitete usluga i dostupnosti određenih proizvoda.

Uzimajući u obzir sve navedeno Konkurencijsko vijeće je ocijenilo koncentraciju dopuštenom, u skladu sa članom 18. stav (2) tačka a) Zakona, kao u dispozitivu.

8. Administrativna taksa

Podnosilac prijave na ovo Rješenje je, u skladu sa članom 2. tarifni broj 107. stav (1) tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 2.500,00 KM, u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

Predsjednik

dr. Stjepo Pranjić